

## GUERZ KATHEL GOLLET

160

676

*Ton : Pa saoulinomp erit kotez.*

1

Kalz tud, siouaz! a vez dalc'het  
E skilfou lemm an Droug-Spered,  
Ped den a gav daonasion  
Oc'h ober gwall gonfesion?

2

Setu eur skuer skrijus meurbed,  
Zo bet enn Indez c'hoarvezet:  
Tud koz ha yaouank klevit-han,  
Ha dalc'hit sonj mad anezhan.

3

Eur plac'h yaouank hanvet Katell,  
Matez (plac'h) e li eun dimezel  
'Vit gellout beva en e roll,  
A lez Doue, a deu diroll.

4

N'en doa ket ouспен pemzek vloaz  
D'ar fall gant tiz p'en em daolas;  
E yaouankiz a ro d'ar bed,  
D'an droug, d'an dans, d'an droug-  
[Spered.

5

Bep sul ha bep gouel, ar pez fall  
Ne c'houlenne nemed fringal,  
Goude 'n ofern beteg an noz  
An dans a oa e baradoz.

6

En iliz, en ofis divin,  
Ne rea nemed komz ha c'hoarzin,  
Ha trei e fenn skanv da zellet  
A gleiz, a ziou, ouz ar wazed.

7

Biskoaz ne glevas a galon  
Nag an ofern, nag ar zarmon;  
Hag e leac'h mont d'ar gousperou,  
Atao ez ea d'an ebatou.

8

Ouspenn ez ea d'an nozveziou  
Skolioù fall an diaoulou,  
Hep aotreadur e mestrez, —  
Re zempl e kenver e matez.

9

Eno e teske kant pec'hed,  
Offansi Doue, plijout d'ar bed;  
O vont, o tont, an noz tenval,  
Komzou lubrik, oberou fall.

10

Skuiz eo Doue ouz he gwelet  
O ren eur vuez ken saotret;  
Donjer bras en doa out-hi;  
Ne c'helle mui he anduri!

11

Neuze e sko gant eur c'hlenvet  
An danvad a oa dianket,  
Evit hen lakat da zistrei,  
Rak c'hoant en doa d'he fardoni.

### *Kendalc'h er miz kenta*

An histor-ma, tennet euz eul leor great gant an Tad Delrio, a zo gwirion, hag a zo bet c'hoarvezet e bro Indez sao-heol, e kear Itara er blavez 1560.